

57X
26
47

群書治要
五

羣書治要卷第五

秘書監鉅鹿男臣魏徵等奉

勅撰

春秋左氏傳中

宣公

二年鄭公子歸生伐宋宋華元禦之將戰華

元殺羊食士其御羊斟不與及戰曰疇昔之

羊子為政

疇昔猶前日也

今日之事我為政與入鄭

師故敗



晉靈公不君。

失君道

厚斂以雕牆。

彫畫也

從臺上

彈人。觀其避丸也。宰夫胹熊蹯不熟。殺之。寘

諸畚。使婦人載以過朝。

畚筮屬

趙盾士季患之。

將諫。士季曰。諫而不入。則莫之繼也。會請先

不入。則子繼之。三進及溜而後視之。

士季隨會也三

進三伏公不省而又前也公知欲諫故作不視曰。吾知所過矣。將改

之。誓首而對曰。人誰無過。過而能改。善莫大

焉。詩曰。靡不有初。鮮克有終。夫如是。則能補

過者鮮矣。君能有終。則社稷之固也。豈唯羣

臣賴之。猶不改。宣子驟諫。公患之。使鉏麇賊

之。鉏麇力士晨往。寢門闢矣。盛服將朝。尚早。坐而

假寐。不解衣冠而睡麇退。歎而言曰。不忘恭敬。民之

主也。賊民之主。不忠。弃君之命。不信。有一於

此。不如死。觸槐而死。槐趙省庭樹晉侯飲趙盾酒。

伏甲將攻之。其右提彌明知之。右車趨登曰。

臣侍宴。過三爵。非禮。遂跌以下。公嘆夫葵焉。

明搏而殺之。犬也。猛也。有曰：弃人用犬，雖猛何為？

責公不養士而更以犬為已用也。闕且出，趙穿攻靈公於桃

園。穿趙盾之從父昆弟子。宣子未出山而復。晉境之山也。有出奔

聞公執而還。大史書曰：趙盾殺其君，以示於朝。宣

子曰：不然。對曰：子為正卿，亡不越境，反不討

賊，非子而誰？孔子曰：董狐，古之良史也。書法

不隱。不隱有之罪。趙宣子，古之良大夫也。為法受

惡。善其為法，屈也。

三年，楚子伐陸渾之戎，遂至于雒，觀兵于周

疆。定王使王孫滿勞楚子。王孫滿，周大夫。楚子問鼎

之大小，輕重焉。示欲逼周也。對曰：在德，不在鼎。

昔夏之方有德也，禹之世也。遠方圖物，圖畫大山，川奇異之

物而獻。貢金九牧，使九州之牧貢金。鑄鼎象物，象所使

民知神姦，圖鬼神百物之形，使民逆備之。故民入川澤山林，

魍魎罔兩，魍魎，山神；罔兩，水神也。莫能逢之。逢，用能

協于上下，以承天休。民無災害，則上下和而受天祐。桀有昏

德。鼎遷于商。商紂暴虐。鼎遷于周。德之休明。

雖小重。不可遷其茲回昏亂。雖大輕也。言可移天

祚明德有所底止。底致周德雖衰。天命未改。鼎

之輕重未可問也。

四年。楚子滅若敖氏。其孫箴尹克黃。箴尹官名克黃

子文孫也使于齊。還及宋。聞亂。其人曰。不可以入

矣。箴尹曰。弃君之命。獨誰受之。君天也。天可

逃乎。遂歸復命。自拘於司敗。王思子文之治

楚國也。曰。子文無後。何以勸善。使復其所。

十一年。楚子伐陳。十年夏微舒弒君也謂陳人無動。將

討於少西氏矣。少西微舒之名遂入陳。殺夏徵

舒。因縣陳。滅陳以爲楚縣申叔時使於齊。反復命而

退。王使讓之。曰。夏徵舒爲不道。弒其君。寡人

以諸侯討而戮之。諸侯縣公皆慶寡人。楚縣大夫

皆僭汝獨不慶寡人。何故。對曰。夏徵舒弒其

君。其罪大矣。討戮之。君之義也。抑人亦有言。

曰牽牛以蹊人之田抑辭也而奪之牛牽牛

以蹊者信有罪矣而奪之牛罰已重矣諸侯

之從也曰討有罪也今縣陳貪其富也以討

召諸侯而以貪歸之無乃不可乎王曰善哉

吾未之聞也反之可乎對曰可哉吾儕小人

所謂取諸其懷而與之也叔時謙言小人意

於其懷而還之乃復封陳

十二年晉師救鄭乃河聞鄭既及楚平桓子

欲還桓子隨武子曰善武子士會聞用師觀

豐而動豐罪德刑政事典禮不易不可敵也

楚君討鄭怒其貳而哀其卑叛而代之服而

舍之德刑成矣代叛刑也柔服德也二者立

矣昔歲入陳討微今茲入鄭民不罷勞君無

怨讟讟謗政有經矣經常商農工賈不敗其

業而卒乘輯睦步日率事不斲矣斲犯為教

為宰擇楚國之令典宰令尹為百官象物

而動軍政不戒而備。物猶類也。戒，勅令也。能用典矣。其

君之舉也。內姓選於親，外姓選於舊。言親疎並用也。

舉不失德，賞不失勞。君子小人，物有服章。卑尊

也。別貴有常尊，賤有等威。威儀有等差也。禮不逆矣。德

立刑行，政成事時，典從禮順。若之何敵之見

可而進，知難而退，軍之善政也。兼弱攻昧，武

之善經也。昧，昏亂也。經，法也。子姑整軍而經武乎？始猶

有弱而昧者，何必楚？彘子曰：不可。彘子，先穀也。成師

以出，聞敵強而退，非夫也。非，文夫。師遂濟。楚子

北師次於管。管，陽有管城。鄭皇戌使如晉師，曰：楚

師驟勝而驕，其師老矣。子擊之，楚師必敗。欒

武子曰：欒，武子也。楚自克庸以來，在文十六年。其君無

日不討而訓之。討，治也。子民生之不易，禍至之

無日，戒懼之不可怠。于，日也。在軍無日不討，軍

實而由儆之。軍實，軍器也。于勝之不可保，紂之百克

而卒無後。蒯之曰：民生在勤，勤則不匱，不可

謂驕。也。歲。歲。先大夫子犯有言曰。師直為壯。曲

為老。我不德而傲。怨于楚。我曲楚直。不可謂

老。不德。謂以力爭。諸侯也。傲。要也。鄭不從。楚人遂疾進師。乘

晉軍。桓子不知所為。鼓於軍中。曰。先濟者有

賞。中軍下軍爭舟。舟中之指。掬。潘黨曰。君盍

築武軍。築。軍營也。彰。武功也。而收晉尸。以為京觀。積尸。封土。

其上。謂之京觀。臣聞克敵必示子孫。以無忘武功。楚

子曰。非爾所知也。夫文止戈為武。文字也。武王

克商。作頌。曰。載戢干戈。載櫜弓矢。戰歲也。櫜。韜也。詩。美。

武王能滅暴亂而息兵也。夫武禁暴戢兵。保大定功。安民

和眾。豐財者也。此武有七德也。故使子孫無忘其章。

着之篇章。使子孫不忘也。令我使二國曝骨。暴矣。觀兵以

威諸侯。兵不戢矣。暴而不戢。安能保大。猶有

晉在焉。得定功。所違民欲。猶多。民何安。無德

而強爭諸侯。何以和眾。利人之幾。幾。危也。而安

人之亂。以為己榮。何以豐財。兵動則年荒。武有七

德我無一焉。何以示子孫。其為先君宮。告成

事而已。祀先君告戰勝武非吾功也。古者明王伐不

敬。取其鯨鯢而封之。為以六戮。於是乎有京

觀。以懲淫厲。鯨鯢大魚名也。以喻不義之人。吞食小國也。今罪無

所。晉罪無所犯。而民皆盡忠。以死君命。又可以為

京觀乎。晉師歸。桓子請死。晉侯欲許之。士貞

子諫曰。不可。貞。子士。渥。濁。城濮之役。晉師三日穀

在僖二十八年。文公猶有憂色。左右曰。有喜而憂。如

有憂而喜乎。言憂喜失時也。公曰。得臣猶在。憂未歇

也。歇。盡也。因獸猶鬪。况國相乎。及楚殺子玉。子玉

得臣也。公喜而後可知也。喜見於顏色也。曰。是晉再克

而楚再敗也。楚是以再世不競。成王至穆王也。今天

或者大警晉也。而又殺林父。以重楚勝。其無

乃久不競乎。林父之事君也。進思盡忠。退思

捕過。社稷之衛也。若之何殺之。夫其敗也。如

日月之食。何損於明。晉侯使復其位。言晉侯景所以

不失

楚子伐蕭申公巫臣曰師人多寒王巡三軍

拊而勉之拊撫慰勉之三軍之士皆如挾纊纊纊也

悅以忘寒

十五年楚子伐宋宋人告急于晉晉侯欲救

之伯宗曰不可伯宗晉大夫古人有言曰雖鞭之

長不及馬腹言非所擊天方授楚未可與爭雖晉

之強能違天乎諺曰高下在心度時制宜也川澤

納汙受汙也山藪藏疾山之有林藪毒害者所居瑾瑜匿瑕

匿亦藏也雖義王之賢亦或居藏瑕穢天之道也晉侯耻不教宋故伯宗為

說小惡不損大德之喻也君其待之待楚衰也乃止使解揚如

宋使無降楚曰晉師悉起將至鄭人囚而獻

楚楚子厚賂之使反其言不許三乃許之登

諸樓車使呼宋人而告之樓車車上望櫓遂致其君

命楚子將殺之使與之言曰尔既許不穀而

反之何故非我無信汝則弃之速即尔刑對

曰。臣聞之。若能制命為義。臣能承命為信義。

無二信。欲為義者。不行兩信。信無二命。欲行信者。不受二命。君之

賂臣。不知命也。受命以出。有死無賈。賈廢除。又

可賂乎。臣之許君。以成命也。成君命。死之成命。

臣之祿也。寡君也。信臣。已不廢命也。下臣獲考。考成。

也。死又何求。楚子舍之以歸。

潞子嬰見之。夫人。晉景公之姊也。酈舒為政

而殺之。又傷潞子之目。酈舒潞相。晉侯將伐之。諸

大夫之皆曰。不可。酈舒有三僇才。僇絕異也。不如

待後之人。伯宗曰。必伐之。狄有五罪。僇才雖

多。何補焉。不祀一也。耆酒二也。弃仲章而奪

黎氏之地三也。中章。潞賢人。黎氏。黎侯國。虐我伯姬四也。

傷其君目五。怙其僇才。而不以茂德。茲益罪

也。後之人。或者將敬奉德義。以事神人。而申

固其命。審政令也。若之何待之。不討有罪。曰。將後

後有辭而討焉。無乃不可乎。夫恃才與衆。亡

後有辭而討焉。無乃不可乎。夫恃才與衆。亡

後有辭而討焉。無乃不可乎。夫恃才與衆。亡

之道也。商紂由之，故滅。天反時為災。寒暑地

反物為妖。群物失性民反德為亂。亂則妖災生。盡

在狄矣。晉侯從之。夏，晉荀林父敗赤狄于曲

梁，滅潞。晉侯賞桓子狄臣千室。千家也亦賞士

伯。以瓜衍之縣。士伯子曰：吾獲狄士子之功

也。微子吾喪伯氏矣。伯桓子也羊舌臧悅是賞也。

織升曰：周書所謂庸庸、棫棫者，謂此物也。夫

庸用也。祇敬也。言文王能用可用，敬可敬也。士伯庸中行伯。言中行伯

君信之，亦庸士伯。此之謂明德矣。文王所以造周，不是過也。率是道也，其何不濟。

十六年，晉侯命士會將中軍，且為太傅。於是

晉國之盜逃奔于秦。羊舌臧曰：吾聞之，禹稱

善人。孫舉也不善人遠。此之謂也。善人在上，則

國無幸民。諺曰：民幸國之不幸，是無善人謂

也。

成公

桓桓子子當作桓子桓子

二年衛侯使孫良夫侵齊與齊師遇師敗仲

叔于奚救孫桓桓子子是以免既衛人賞之

以邑賞干辭請曲縣軒縣也繁纓以朝許之繁纓

馬飾皆諸侯之服也仲尼聞之曰惜也不如多與之邑

唯器與名不可以假人器車服也名爵號也君之所司

也政之大節也若以假人與人政也政亡則

國家從之不可止也已

宋文公卒始厚葬用蜃炭益車馬始用殉虒虒

為炭以瘞壙多埋車馬用人從葬也重器備重猶多也君子謂華元

樂舉於是卒不臣臣治煩去惑者也是以伏

死而爭今二子者君生則縱其惑謂文十八年殺母弟

須死則益其侈是弃君於惡也何臣之為言若

何用楚之討陳夏氏也在宣十一年莊王欲納夏

姬申公巫臣諫曰不可君召諸侯以討罪也

今納夏姬貪其色也貪色為淫淫為大罰若

興諸侯以取六罰非慎之也君其圖之王乃

止。

六年。晉欒書救鄭。與楚師遇於繞角。繞角鄭地楚

師還。晉師遂侵蔡。楚公子申公子成以申息

之師救蔡。趙同趙括欲戰。請於武子。武子將

許之。知莊子荀首范文子士燮韓獻子韓厥諫曰。不

可。吾來救鄭。楚師去我。吾遂至於此。此蔡地是

遷戮也。戮而不已。又怒楚師。戰必不克。遷戮不義

怒敵難當。故不克也。雖克不令。成師以出。而敗楚二縣。

何榮之有焉。六軍悉出。故曰成師。以大勝小。不足為榮也。若不能

敗。為辱已甚。不如還也。乃遂還。於是軍師之

欲戰者眾。或謂欒武子曰。聖人與眾同欲。是

以濟事。子盍從眾。蓋何子之佐十一人。六軍之卿

也。佐其不欲戰者三人而已。知范韓也欲戰者可謂

眾矣。商書曰。三人占。從二人。眾故也。武子曰。

善鈞從眾。鈞夫善眾之主也。三卿為主。可謂

眾矣。三卿晉之賢人。傳善欒言得從之義也。從之不亦可乎。

八年。晉使侯韓穿來。言汝陽之田歸之于齊。

季文子餞之。餞。送行也。飲酒也。私焉。私。與曰。之言。曰。大國制義。

以為盟主。是以諸侯懷德畏討。無有貳心。謂

汝陽之田。弊邑之舊也。而用師。齊使歸諸弊

邑。用師。鞏之。戰也。今有二命。曰歸諸齊。信以行義。義

以成命。小國所望而懷也。信不可知。義無所

立。四方諸侯。其誰不解體。言不復庸敬於晉也。詩曰。女

也不樂。士貳其行。士也罔極。二三其德。奕若也。也。

中也。婦人恐丈夫不一其行也。喻魯事晉。猶

女之事夫。不敢過差。而晉有罔極之心。反二

三其德也。七年之中。一與一奪。二三孰甚焉。士二

三。猶喪配耦。而况霸王乎。將德是以也。以用而

二三之。其何以長有諸侯乎。

晉討趙同。趙括。武從姬氏。畜于公宮。趙武莊

莊。晉成公女也。畜養也。以其田與祁奚。韓厥言於晉侯。

曰。成季之勲。宣孟之忠。成季。趙衰。宣孟。趙盾。而無後。為

善者。其懼矣。三代之令王。皆數百年。保天之

祿夫豈無僻主。願前哲以免也。言三代亦有邪僻之君，但

賴其先人，以免禍耳。周書曰：不敢侮鰥寡，所以明德也。

言文王不侮鰥寡而德益明，欲使晉侯之法文王。乃立武而反其田

焉。

十六年，楚子救鄭，司馬將中軍。子反過申子。

反入見申叔時。叔時老，在申也。曰：師其何如？對曰：德

刑詳義，禮信戰之器也。器猶用也。德以施惠，刑以

正邪，詳以事神，義以建利，禮以順時，信以守

物，上下和睦，周旋不逆。動順也。是以神降之福。

時無災害，民生敦龐，和同以聽。敦厚，龐大。莫不盡

力以從上命，此戰之所由克也。今楚內弃其

民。不施惠也。而外絕其好。義不建利。瀆齊盟。不詳事神。而食

話言。信不守物。奸時以動。不順時，妨農業。而疲民以逞。刑不

正邪而苟快意。民不知信，進退罪也。子其勉之，吾不

復見子矣。言其必敗，不反也。晉楚遇於鄢陵，范文子

不欲戰，卻至曰：韓之戰，惠公不振旅。衆散敗也，在僖

十五年邲之師荀伯不復從。荀林父奔走不復故道也在宣十二年

皆晉之耻也。子亦見先君之事矣。見先君成敗之

事。今我避楚又益耻也。文子曰：吾先君之亟

戰也。有故也。亟數也秦狄齊楚皆彊。不盡力。子孫

將弱。今三彊服矣。齊秦狄也敵楚而已。唯聖人能

外內無患。自非聖人。外寧必有內憂。驕成則憂患生

盍釋楚以為外懼乎。

襄公

三年祁奚請老。老致仕晉侯問嗣焉。嗣續其職也稱

解狐其備也。將立之而卒。解狐卒也又問焉。對曰：

午也可。午祁奚子於是羊舌臧死矣。晉侯曰：孰可

以代之。對曰：赤也可。赤臧之子伯華於是使祁午為

中軍尉。羊舌赤佐之。各代其父君子謂祁奚於是

能舉善矣。稱其備不為諂。立其子不為比。舉

其偏不為黨。偏屬也能舉善也。夫唯善故能舉

其類也。

晉侯之弟揚干亂行於曲梁行陳也魏絳戮其

僕僕晉侯怒謂羊舌赤曰合諸侯以為榮也

揚干為戮何辱如之必殺魏絳無失之也對

曰絳無貳志事君不避難有罪不逃刑其將

來辭何辱命焉言終魏絳至授僕人書僕人

僕將伏劔士魴張老止之公讀其書曰日君

之使使臣斯司馬斯此也臣聞師眾以順為武

順莫軍事有死無犯為敬守官行法雖君合

諸侯臣敢不敬卒君師不武執事不敬罪莫

大焉臣懼其死以及揚干無所逃罪懼自犯

敬之不能致訓至於用鉞用鉞斬揚臣之罪

重敢有不從以怒君心言不敢請歸死於司

寇公跌而出曰寡人之言親愛也吾子之討

軍禮也寡人有弟弗能教訓使干大命寡人

之過也子無重寡人之過聽絳死敢以為請

請使無死反役使佐新軍

四年無終子嘉父使孟樂如晉無終山戎國名也因

魏莊子納虎豹之皮以請和諸戎欲戎與晉和莊子魏

絳晉侯曰戎狄無親而貪不如伐之魏絳曰

諸侯新服陳新來和將觀於我我德則睦否

則携貳勞師於戎而楚伐陳必不能救是弃

陳也諸華必叛諸華中國戎禽獸也獲戎失華無

乃不可乎昔周辛甲之為太史也命百官之

箴王闕辛甲周武王太史也闕過也於虞人

之箴虞人掌田獵者曰茫茫禹迹畫為九州茫茫遠貌畫分

也經啓九道啓開九道民有寢廟獸有茂草各

有攸處德用不擾人神各有所歸在帝夷羿

冒于原獸冒貪也忘其國恤而思其麀牡言但念獵

武不可重重猶數用不恢于夏家羿以好武雖有夏家而不

能恢大也獸臣司原敢告僕夫獸臣虞人也告僕夫不敢斥尊

也虞箴如是可不懲乎於是晉侯好田故魏

絳及之乃后羿事也公曰然則莫如和戎乎對曰

和戎有五利焉。戎狄荐居，貴貨易土。荐聚也，易猶輕也。

也。土可賈焉。一也。邊鄙不登，民狎其野。穡人

成功。二也。狎，懼也。狎，習也。戎狄事晉，四隣振動。諸侯

威懷。三也。以德綏戎，師徒不勤。甲兵不頓。四

也。頓，壞也。鑒于后羿，而用德度。以后羿為鑒戒。遠至邇

安。五也。君其圖之。公悅，使魏絳盟諸戎，脩民

事。田以時。言晉侯能用善謀也。

九年，秦景公使乞師于楚，將以伐晉。楚子許

之子囊曰：不可。當今吾不能與晉爭也。晉君

類能而使之。隨所能也。舉不失選。得所選也。官不易方。

方猶宜也。其卿讓於善。讓勝已者。其大夫不失守。各任其職。

也。其士競於教。奉上也。其庶人力於農穡。種曰穡，收曰穡。

曰穡。商工皂隸，不知遷業。四民不雜也。君明臣忠，上

讓下競。尊官相讓，勞職力競。當是時也，晉不可敵。事之

而後可。若其圖之，冬諸侯伐鄭。鄭從楚也。鄭人行

成。與晉成也。

十一年諸侯復伐鄭鄭人賂晉侯以師觸師

蠲觸蠲皆樂師名歌鍾二肆肆列也應鐘十六為一肆女樂二八

十六人也晉侯以樂之半賜魏絳曰子教寡人和

諸戎狄以正諸華年在四八年之中九合諸侯

如樂之和無所不諧諧亦和也請與子樂之共此樂也

辭曰夫和戎狄國之福也八年之中九合諸

侯諸侯無憾君之靈也二三子之勞也臣何

力之有焉抑臣願君安其樂而忘其終也公

曰子之教敢不承命抑微子寡人無以待戎

待遇不能濟河度河南賞國之典也不可廢

也子其受之魏絳於是乎始有金石之樂禮

也禮大夫有功則賜樂

十三年晉侯蒐于綿上以治兵為將命軍師也使士

甸將中軍辭曰伯游長伯游荀偃昔臣習於知伯

是以佐之非能賢也七年韓厥老知瑩代將中軍士甸佐之甸今勝

讓故謂爾時之請從伯游荀偃將中軍伐荀

卷之三

士甸佐之。故位如使韓起將上軍。辭以趙武。又

使欒黶。聽以武位卑故不辭曰。臣不如韓起。願

上趙武。君其聽之。使趙武將上軍。武自新軍超四等

韓起佐之。故位加欒黶將下軍。魏絳佐之。黶亦如故

絳自新軍超一等晉國之民。是以大和。諸侯遂睦。君

子曰。讓禮之主也。范宣子讓其下。皆讓。欒黶

為汰。弗敢違也。晉國以平。數世賴之。刑善也。

天。刑法也一人刑善。百姓休和。可不務乎。世之

說匿作讒
隱為是

治也。君子尚能而讓其下。能者在下位則小

人農力以事其上。是以上下有禮。而說匿黜

遠。由不爭也。謂之懿德。及其亂也。君子稱其

功。以加小人。加陵也君子小人伐其技。以馮

君子。馮亦陵也自是以上下無禮。亂虐並生。

由爭善也。爭自謂之曾德。國家之弊。恒必由

之。傳言晉之

十四年。衛獻公。戒孫文子。甯惠子。食。勅戒二子欲共

卷之三

三十一

宴日肝不召。所晏也。而射鴻於囿。二子怒。公使

子蟜子伯子皮與孫子盟于丘宮。孫子皆殺

之。三子衛群公子也。公出奔齊師。曠侍於晉侯。師曠子野

晉侯曰。衛人出其君。不亦甚乎。對曰。或者其

君實甚。良君養民如子。蓋之如天。容之如地。

民奉其君。愛之如父母。仰之如日月。敬之如

神明。畏之如雷霆。其可出乎。夫君神之主。而

民之望也。若困民之主。匱神之祀。百姓絕望。

社稷無主。將安用之。弗去何為。天生民而立

之君。使司牧之。勿使失性。有君而為之貳。貳卿

佐使師保之。勿使過度。善則賞之。賞謂宜揚之也。過

則匡之。匡正也。患則救之。救其難也。失則革之。自王以

下。各有父兄子弟。以補察其政。補其愆過。察其得失。史

為書。謂大史君舉必書。瞽為詩。為詩以風刺。工誦箴諫。工樂

人也。誦箴諫之辭。大夫規誨。規正諫。誨其君。士傳言。聞君過。失傳告。

庶人諂。庶人不與政。聞君過。諂之辭。商旅于市。旅陳也。

夫。庶人過得從而諱。君商旅于市。陳

其貨物以示百工獻藝。獻其伎藝以天之愛

民其甚矣。豈其使一人肆於民上。肆放也以從其

淫而弃天地之性。必不然矣。傳言師曠能

十五年。宋人或得玉。獻諸子罕。子罕不受。獻

玉者曰。以示玉人。玉人能治王者玉人以為寶也。故

敢獻之。子罕曰。我以不貪為寶。尔以玉為寶。

若以與我。皆喪寶也。不若人有其寶。誓首而

告曰。小人懷璧。不可以越鄉。言必為盜所害納此以

元下有也字

請死。請免死子罕實諸其里。使玉人為之攻之。

也富而後使復其所。賣王得富

二十一年。邾庶其以漆間丘來奔。庶其邾大夫也季

武子以公姑姊妻之。皆有賜於其從者。於是

魯多盜。季孫謂臧武仲曰。子盍詰盜。詰治也武

仲曰。不可詰也。訖又不能。季孫曰。子為司寇。

將盜是務去。若之何不能。武仲曰。子召外盜

而大禮焉。何以止吾盜。吾盜謂國中子為正卿而

來外盜。使統去。將何以能。庶其竊邑於邾以
來。子以姬氏妻之。而與之邑。使食漆間丘也其從者
皆有賜焉。若大盜。禮焉。以君之姑姊。與其大
邑。其次皂牧。輿馬。給其賤役從皂至牧其小者。衣裳。劔
帶。是賞盜也。賞而去之。其或難焉。統也。聞之。
在上位者。洒濯其心。壹以待人。軌度其信。可
明徵也。徵驗也而後可以治人。夫上之所為。民
之歸也。上所不為。而民或為之。是以加刑罰

焉。而莫敢不懲。若上之所為。而民亦為之。乃
其所也。又可禁乎。

晉欒盈出奔楚。宣子殺羊舌虎。欒盈之黨囚叔向。

欒王鮒見叔向曰。吾為子請。叔向不應。欒王鮒

大夫欒桓子其人皆咎。叔向曰。必祁大夫。祁大夫

室老聞之曰。欒王鮒言於君。無不行。求救吾

子。吾子不許。祁大夫所不能也。何為也。叔向

曰。祁大夫外舉不棄讎。內舉不失親。其獨遺

我乎。詩曰：有覺德行，四國順之。

言德行直則天下順也。

夫子覺者也。

覺較然正直。

晉侯問叔向之罪於樂

王鮒，對曰：不棄其親，有焉。

言叔向篤親親，必與叔處同謀。

於

是祁奚老矣。

老去公族大夫。

聞之，乘駟而見宣子曰：

詩云：惠我無疆，子孫保之。

言文武有惠訓之德，加於百姓，故子

孫保之。夫謀而鮮過，惠訓不倦者，叔向有焉。社

稷之固也。猶將十世宥之，以勸能者。今壹不

免其身。

壹以弟故。

以弃社稷，不亦惑乎？絳殛而禹

興。

言不以父罪廢其子也。

管蔡為戮，周公右王。

言兄弟不相

也。及若之何？其以虎也。弃社稷乎？子為善，誰敢

不勉。多殺何為？宣子悅，與之乘。以言諸公，而

免之。

共載入見公也。

不見叔向而歸。

言為國非私叔向也。

叔向

亦不告免焉而朝。

不告謝之，明不為臣。

二十三年，孟孫惡臧孫，季孫愛之。孟孫卒，臧

孫入哭甚哀，多涕出。其御曰：孟孫之惡子也。

而哀如是，季孫若死，其若之何？臧孫曰：季孫

美疾原作美
疾下同

之愛我疾疾也。志相順從孟孫之惡我藥石

也。志相違戾猶美疾不如惡石。夫石猶生我。

疾也。已疾之美其毒滋多孟孫死吾亡無日矣。

二十五年齊棠公之妻東郭偃之姊也。齊棠公

夫。武子莊公通焉驟如

崔氏。崔杼殺莊公晏子立於崔氏之門外。難

而其人曰死乎曰獨吾君也乎哉吾死也。言

與衆臣曰行乎曰吾罪也乎哉吾亡也。自謂

後人原本作
陵民

曰歸乎曰君死安歸。言安可君民者豈以後

人社稷是主。臣君者豈為其口實。社稷是養。

言君不徒居民上臣不徒求祿皆為社稷也。故君為社稷死則死

之為社稷亡則亡之。謂以公義若為己死而

為己亡非其私暱誰敢任之。私暱所親愛也

當其禍門啓而入枕尸股而哭。以公股興三踊

而出。

晉程鄭卒子產始知然明。前年然明謂程鄭

詳書治要五

二六

也知問為政對曰視民如子見不仁者誅之如

鷹鷂之逐鳥雀也子產喜以語子太叔且曰

他日吾見蔑之面而已蔑然明名今吾見其心矣

二十六年初楚伍參與蔡太師子朝友其子

伍舉與聲子相善聲子子朝子也伍舉椒舉也伍舉奔晉

聲子通使於晉還如楚令尹子木與之語曰

晉大夫與楚孰賢對曰晉卿不如楚其大夫

則賢皆卿才也如杞梓皮革自楚往也杞梓皆木

也名雖楚有材晉實用之言楚亡臣多在晉子木曰夫

獨無族姻乎夫謂晉也對曰雖有而用楚材實多

歸生聞之歸生名也曰善為國者賞不僭而刑

不濫賞僭則懼及淫人刑濫則懼及善人若

不幸而過寧僭無濫與其失善寧其利淫無

善人則國從之從亡也詩曰人之云亡邦國殄

瘁無善人之謂也故夏書曰與其殺不辜寧

失不經懼失善也逸書也不經不用常法古之治民者

勸賞而畏刑。樂行賞而憚用刑也。恤民不倦。賞以春夏。

刑以秋冬。順天時。是以將賞為之加膳。加膳則

飲賜。飲厭也。酒食賜下。無不厭足。所謂加膳也。此以知其勸賞也。

將刑為之不舉。不舉則微樂。不舉盛。此以知

其畏刑也。夙興夜寐。朝夕臨政。此以知其恤

民也。三者禮之大節也。有禮無敗。今楚多淫

刑。其大夫逃死於四方。而為之謀主。以害楚

國。不可救療。所謂不能也。療治也。所謂楚人不能其材也。

衍一主字

子儀之亂。析公奔晉。在文十四年。晉人以為謀主。

主。繞角之役。楚師宵潰。楚失華夏。則析公之

為也。雍子之父兄譖雍子。君與夫人不善。是

也。不是其曲直。雍子奔晉。晉人以為謀主。彭城之

役。楚師宵潰。晉降彭城。而歸諸宋。在元年。楚失

東夷。則雍子之為也。楚東小國。見楚子不能救彭城。皆叛也。子

反與子靈爭夏姬。子靈。巫臣。子靈奔晉。晉人以為

謀主。通吳于晉。教吳叛楚。楚疲於奔命。至今

詳書卷五十五

三十一

為患則子靈之為也。事見成七年若敖之亂伯賁

之子賁皇奔晉。晉人以為謀主。鄢陵之役。在成

十六年楚師大敗。王夷師燔。夷傷也。吳楚之間謂火滅為燔。鄭

叛吳興。楚失諸侯。則苗賁皇之為也。子木曰。

是皆然矣。聲子曰。今又有甚於此者。椒舉娶

於申公子牟。子牟得戾而亡。君大夫謂椒舉

汝實遣之。懼而奔鄭。今在晉矣。晉人將與之

縣。以比叔向。以舉才能。叔向。彼若謀害楚國。豈不

為愚。子木懼。言諸王益其祿爵而復之。

二十七年。宋向戌欲弭諸侯之兵。為會於宋。

盟於宋西門之外。楚人裏甲。甲在衣中。欲伯

州犁曰。合諸侯之師。以為不信。無乃不可乎。

夫諸侯望信於楚也。是以來服。若不信。是弃

其所以服諸侯也。固請釋甲。子木曰。晉楚無

信久矣。事利而已。苟得志焉。焉用有信。大宰

退。大宰伯告人曰。令尹將死矣。不及三年。求

州犁。

逞志而弃信。志其逞乎。信亡。何以及三。明年

也死趙孟患楚衷甲。以告叔向。叔向曰。何害也。

匹夫一為不信。猶不可也。若合諸卿。以為不

信。必不捷矣。非子之患也。夫以信召人。而以

僭濟之。成濟必莫之與也。安能害我。子何懼焉。

宋左師請賞曰。請免死之邑。欲宋君益功加厚賞故謙言免

死之邑公與之邑六十。以示子罕。子罕曰。凡諸

侯小國。晉楚所以兵威之。畏而後上下慈和。

慈和而後能安靜其國家。以事大國。所以存

也。無威則驕。驕則亂生。亂生必滅。所以亡也。

天生五材。金木水火土也民並用之。廢一不可。誰能

去兵。兵之設久矣。所以威不軌而昭文德。聖

人以興。謂湯武亂人以廢。謂桀紂廢興存亡。昏明

之術。皆兵之由也。而子求去之。不亦誣乎。以

誣道蔽諸侯。罪莫大焉。縱無大討。而又求賞。

無厭之甚也。削而投之。削賞左師之書左師辭邑。

二十九年。吳公子札來聘。見叔孫穆子曰。子

其不得死乎。不得以壽死也。好善而不能擇人。吾子

為魯宗卿。而任其大政。不慎舉。何以堪之。禍

必及子焉。昭四年。豎牛作亂。

三十年。楚公子圍殺大司馬。為掩而取其室。

申無宇曰。王子必不免。善人國之主也。王子

相楚國。將善是封殖。而虐之。是禍國也。且司

馬。令尹之偏。偏佐也。而王之四體也。絕民之主。

去身之偏。刈王之體。以禍其國。無不祥大焉。

何以得免。為昭十三年。執靈王傳。鄭子皮授子產政。使

都鄙有章。國都及邊鄙。車服尊卑。各分部也。上下有服。公卿大夫。

服不田有封洫。封疆也。洫溝也。廬井有伍。廬舍也。九夫為井。使

五家相保也。大人之忠儉者。謂卿大夫。從而與之。泰侈

者。因而斃之。從政一年。輿人誦之曰。取我衣

冠而緒之。緒畜也。奢侈者畏法。故畜箴也。取我田疇而伍之。

孰殺子產。吾其與之。並畔為疇。及三年。又誦之曰。

我有子弟。子產誨之。我有田疇。子產殖之。也。生

也。子產而死。誰其嗣之。也。嗣續

三十一年。鄭人遊于鄉校。校。學之名也。以論執政。

論其得失。然明謂子產曰。毀鄉校如何。患人於中。謗議國政。

子產曰。何為。夫人朝夕退而遊焉。以議執政

之善否。其所善者。吾則行之。其所惡者。吾則

改之。是吾師也。若之何毀之。我聞忠善以損

怨。為忠善則不聞作威以防怨。欲毀鄉校。即作威也。豈

不遽止。然猶防川也。遽。畏懼也。大決所犯。傷人必

多。吾不克救也。不如小決使道。道。通也。不如吾聞

而藥之。以為已。藥。石也。然明曰。蔑也。今而後知吾子

之信可事。小人實不才。若果行此。其鄭國實

賴之。豈唯二三臣。仲尼聞是語也。曰。以是觀

之人。謂子產不仁。吾不信也。

鄭子皮欲使尹何為邑。為邑。大夫。子產曰。少。未知

可否。尹何。年少。子皮曰。愿。吾愛之。不吾叛也。愿。謹善也。

使夫往而學焉。夫亦愈知治矣。夫謂子產曰

不可。人之愛人。求利之也。今吾子愛人。則以

政。以政與之猶未能操刀而使割也。其傷實多。自多

傷子之愛人。傷之而已。其誰敢求愛於子。子

於鄭國棟也。棟折榱崩。僑將馱焉。敢不盡言。

子子有美錦。不使人學製。製裁大官大邑。身之

所庇也。而使學者製焉。其為美錦。不亦多乎。官言

邑之重多僑聞學而後入政。未聞以政入學。

左傳只一子字

左傳無下入字

者也。若果行此。必有所害。譬如田獵。射御貫

則能獲禽。貫習也若未嘗登車射御。則敗績馱

覆是懼。何暇思獲。子皮曰。善哉。虎不敵。吾聞

君子務知大者遠者。小人務知小者近者。我

小人也。衣服附在吾身。我知而慎之。大官大

邑。所以庇身也。吾遠而慢之。慢易微子言之。吾

不知也。他日我曰。子為鄭國。我為吾家。以庇

焉。其可也。今而後知不足。自知謀慮不自今

足謀其家

請雖吾家聽子而行。子產曰：人心不同也，如其面焉。吾豈敢謂子面如吾面乎？抑心所謂危，亦以告也。子皮以為忠，故委政焉。子產是以能為鄭國。傳言子產之治，乃子皮之力。

衛侯在楚，北宮文子見令尹圍之威儀，言於

衛侯曰：令尹似君矣，將有他志。言語瞻視，雖行步不常。

獲其志，不能終也。詩云：靡不有初，鮮克有終。終之實難。令尹其將不免乎？公曰：何以知之？

對曰：詩云：敬慎威儀，惟民之則。令尹無威儀，民無則焉。民所不則，以在民上，不可以終。公曰：善哉！何謂威儀？對曰：有威而可畏，謂之威；有儀而可象，謂之儀。其臣畏而愛之，則而象之，故能有其國家，令聞長世。臣有臣之威儀，其下畏而愛之，故能守其官職，保族宜家。順是以下，皆如是。是以上下能相固也。衛詩曰：威儀棣棣，不可選也。揀揀，當而閑也。選，猶數也。言君臣上下

選下有也字

父子兄弟内外大小之道皆有威儀也周書

數文王之德選書曰大國畏其力小國懷其德

言畏而愛之也詩言不識不知順帝之則言

則而象之也言文王行事無所斟酌唯在則象上天紂囚文王

七年諸侯皆從之囚可謂愛之矣文王伐崇

再駕而降為臣文王聞崇德亂而伐之三旬不降退肅教而復伐之囚壘

降而蠻夷帥服可謂畏之矣文王之功天下誦

而歌舞之可謂則之矣文王行至今為法可

謂象之有威儀也故君子在位可畏施舍可

愛進退可度周旋可則容止可觀作事可法

德行可象聲氣可樂動作有文言語有章以

臨其下謂之有威儀也

羣書治要卷第五



尚書總目

庫方

